

越縵堂日記

第三十六冊

荀學齋日記兩集上

光緒七年辛巳夏五月十六日丁丑上午晴露埃簡下午露漸雨傍晚

大雨入夜不止 竟日閱續東華錄

邱鈔鴻臚寺少卿王家璧升光祿寺少卿翰林院侍講裕德轉侍讀
編修宗室會章升侍講編修潘衍鑾兵部郎中胡義質均記名以道
府用

十七日戊寅露晴飯時有零雨 樓廣侯給諫來 得內子三月

中書行寄來龍眼一簍 款夫來

十八日己卯晴熱甚 得益吾祭酒書即復 傅子尊來 梳頭

比日閱續東華錄自乾隆十年至嘉慶二十年訖已再過矣

邱鈔

詹事府詹事孫部為內閣學士兼禮部侍郎銜 以大理寺少卿

曾紀澤為宗人府府丞

十九日庚辰熱甚 始換冷布窗 孺初來 晚詣敦夫齋中談

得王芝仙四月鈔書 聞王眉叔病初眉叔少子一歲未得鄉舉質悴

以終自去者得其一書尚未作答近方擬報之而已遽判幽明遞葬之羊故

舊日落珠陵追答無積嘆之未伸朝歌叔亡亦清游之良簡徒以里社

小集時或流連文字相詠偶存篇牘而斯人已逝曩言莫廣它日歸田

索之宿艸暮天絕雨浪在衣蒼茫四顧軟浪彌襟眉叔名詒壽山陰

康貞生嘗署金華浦江訓導其居在昌安門外能詩詞駢文著有綬

雅堂集近體小令多有佳者有女嫁東浦人諸生胡某夫婦皆能詩
眉叔不知何日亡未得其計蓋其子尚幼也

二十日辛巳晴下午霽晚有遠雷

吳松堂來

朱容生來

洗足 買鞋一雙直十千六百

二十日壬午晴傍晚霽

敦夫來

比日暑甚閱書甚嬾時亦

偃臥今日散枕見窗外綠陰滿院鳥啼人案略無一事亦冗官之清福
也紀以一絕云紗窗小拓翠深深一院無人盡綠陰散枕不聞朝事到
勝他巢許臥山林題曰散枕 族人王節婦來自以米五斤 哺後熱悶
夜雲含雷電一更後雨作有震霆二更密雨四更生

二十日癸未晨霽上午驟驟午後晴鬱悶甚

是日復得詩

三首題曰漫興 得絃丈書偕絕妙好詞箋 富兩詩致敦夫

富三詩致絃丈 得敦夫書言紹興科試收莊水子玉續以縣試第

一入學

漫興三首

漫興心情嬾自醫。不能絲竹不知棋。點朱數紙日平過。平引垂楊弄雪狸。

若來病溼怕黃梅。堆案經書嬾更開。猶有榴花娛倦眼。數枝紅過短籬來。

車聲橋外走琅琅。涉淖衝泥有底忙。襤褸莫忘公等力。三朝高臥作賢郎。

邸鈔

慈禧皇太后懿旨李鴻章奏履陳直隸河道地勢情形節次辦法一摺據稱

近幾水利關係國計民生頻年逐漸經營將各河擇要修濬因需費鉅

鉅未舉大工著諸往省成案揆之目下情形通盤籌畫惟有次第酌辦

等語著恭親王奕訢醇親王奕訢會同左宗棠李鴻章董華等的度

情形隨時妥商辦理

疏略言近時河道積壞之久凡永定大清海河北運南運五大河又附麗五大河者十餘支河臨渠隄險無一不壞減河引河無一不塞水定河底高於隄外民田數丈而即

宣西南路諸水之南泊北泊節宣西北路揚水之南度東度平被衝流壩於或竟成民地其河近下游則僅恃天津三官一錢海河也選出口平時既不能暢消抹合海潮頂托倒灌自胸高陽腹以至尾閘節節皆病五大河中以永定

之害為最深慮濬以上未始兩山之間向無工程其病實在蘆溝以下須挑去二百餘里中凡一二丈之積沙方能傾軌否則以南隄為北隄而改河使南另築南隄以障之亦可安流強節之來勢皆皆不可計若挑去全河極厚之積沙自來無此辦法亦

無出沙惟積之處若改南隄為北隄則固安永清兩縣城近靠南岸須議遷建其北清高運北運則須濬河築隄修版晒堤減河統計工程皆極煩鉅萬無此財力確泥趨向無定自來不設堤防同治七年由臺城北徙以文安臺城為其故道之難復上

游外難分下海之難減前已疏陳其詳而河深廣廣有數十百丈深泥厚極人力難挑也計費皆皆無成而外餘亦不先此難辦也
二十三日甲申 埃皆熱悶傍晚小雨旋止有風頗涼 作書致敦

夫得跋文書還絕妙好詞箋即復得王氏妹及從弟詩舫五月

六日書余家諸妹固不知書而詩舫輩亦俱不能作字今來兩書皆不知何人所寫其四子年皆三四十歲游手冗食而今日書中尚欲余為買銅墨合銘刻之真別有肺肝也得跋文書惠蠅蝨一器即復謝

鄧鐵香來寶森書坊送肅亭雜錄兩帙來凡雜錄八卷續錄

二卷禮親王昭璉著雜錄作於嘉慶末續錄至道光初出有寫本去年夏醇邸始屬侍郎耀年等校刻之前有耀年序晚雨入夜

益密蕭颯如珠頓涼頓繁食

師鈔

上諭都察院奏已革江蘇高淳縣知縣唐葆元以參追覈即等詞赴該衙門

呈訴據傳光緒五年五月間在高溪縣任內因查辦前任命案挾嫌被匪槍
劫洋錢四千圓有奇曾將窩家及謀犯緝獲該管知府擅放不辦旋因交
代欠款即被參追是以逃押來京滙訴等語該革員以在押勒追之員潛
行來京具呈申訴是否捏詞延宕著兩江總督江蘇巡撫確切查明稟公核
辦唐葆元著該部解往備質

二十四日巳酉晴散露晡後乞清以爽

外祖父母供饋

外祖母二十

日生辰今年以近夏至故於今日補饌

燒鳧一因有二菜有二羹一梅糕一若醬一饅頭
片兒糖三各一盤蓮子湯一巡看牙兩大盤酒四巡飯再

巡著缺
一巡

事畢復祀故宮公

閱肅亭雜錄所載

國朝掌故極詳聞及名

臣佚事多舉少叙不失忠厚之意

其中

所載爵里字號間有誤者而大致編實

為多張圖故若葉前於是書矣

二十五日丙戌晴申初二刻十三分夏至五月中

縣神位圖祀 曾祖

考妣 祖考妣 本生祖考妣 先考妣 附以兩弟 因有三菜有五梅糕

一瓢絲菓餅二盤饅頭一大盤麵一大盤杏子兩大盤艾實湯一巡酒三巡

飯再巡哺後畢事焚褚泉收 神位圖 作書致款夫饋以瓢餅梅

糕香醬蝦松四小盤符酒一壺 以將鳧雉雞筍苗菰乳饋劉仙洲

夫人 作書致張叔平屬轉催奉米 付看饌等棧單一千

師鈔

上諭 御史英俊奏內務府撥用部款請飭造冊報銷一摺據傳光緒元年內務

府領用部款迄未造報此次所領部庫銀兩該衙門發出多係京平其具

領之文註明原庫平字樣等語各項發款絲毫皆關國帑豈容稍有含

混著總管內務府大臣確查具奏所有此次撥用銀兩及光緒元年領用之
款著一律造冊報銷以昭覈實

二十六日丁亥晴日景甚烈下午忽雷有暴風旋晴 得陶心雲四月

二十日書至王眉叔以二月十五日物其子繼其書向分校之席蓋已為諸生

矣又言其駢文六卷去年友人已集貲刻之 吳介唐來 今日閱即

鈔晚湖選龍泉訓導龍泉在處州萬山中地僻遠而瘠曉湖實英多病

使得選嘉湖間一缺山水清美遂其吟詠為足自娛而得此荒陬殊為不怡

也 稽查舊太倉御史徐克剛送交春奉米七石八斗糙而粒黃今年江

蘇漕米甚劣巡撫吳元炳跪言失時前日倉場侍郎已疏爭矣

付車脚錢
九千

二十七日戊子晨上午暖繼半晴傍晚雷晚雷有風雨旋止夜姓

為王孝子繼疑未作詩序訖即作書致子獻孝子不必以文字傳其詩又
不能工而實波知府宋某必欲刻之此亦畫蛇添足也余實未嘗見孝子詩
甲辰之春子獻為余言孝子於余詩皆能成誦乞余為書圓扇余因作一
詩以詒之今宋某為作傳言余極重其詩亦不知何所見也 作書致敦

夫說轉寄子獻信并屬代錄詩序

稿

得鹿人自白鹿來後四十千
得孝子自白鹿來後四十千

二十八日己丑晴熱甚

閱顧惟康學詩詳說宋人解經每以後世文法

繩改古人朱子之遠大學孝經章句分中庸章句皆不免此病其論詩關
雖序謂當於風以勸之教以化之下直接然則關雎麟趾之化句以至於末為
小序而自詩者志之所之也至是謂四始詩之至也為大序不知此篇為關雎
之序即為全詩之序首尾貫串包蘊眾誼古人文成法立無可間然故梁昭

明以爲卜子金製編入文選陸元眼孔中遂皆以爲詩之綱領無大小序之分
誠知言也即舊說以自用之邦國爲以上爲小序以自風風也以下爲大序亦仍
諸篇之例以首二句爲小序下爲大序分而不分文氣仍聯爲一也蓋風風也正
承風之始也以下言詩之教化降音及六義四始之指難言詩之至極然
後自然則關雎麟趾之化句以下又歸本之南以見二南之所以爲風始而云周
南豈南正始之道王化之基下乃云是以關雎樂得淑女以配君子又歸本關
雎本詩以見關雎之所以爲詩始而結之云是關雎之義也正以明此篇之爲關
雎序古人文法之密如此朱子徒以兩化字可粘合豫以接之而不知此則二字
語氣之不接蓋上方云風以動之教以化之而下忽云然則關雎麟趾之化王者
之風不特氣促詞迫亦全無義理比南宋以後古文家及近世時文家漆柏

無聊掉弄虛字之故。晉豈秦漢以前所有乎。而大序又突以詩者志之所
之也。自起無根立論。此後世作詩文集序者。脫頭文字。其末又以詩之至也
句戢然而止。無所歸宿。古人皆不任受也。蓋宋人文章晏茶已極。而好以私
臆裁量古人。豈知文從字順。亦談何容易。邇余不善駁序。宋儒而此等是
非。自不可派。聊一發之。惟康謂朱子說視舊說益為允當。真邇夫子之見矣。
此書用力甚勤。亦頗平心求足。而不知古義識解。耳近惟優於初學而已。

殷夫來

殷夢庭來

黃昏有露。電夜有小雨。

丹旛頭跋于

郎鈔翰林院侍講學士寶昌轉侍讀學士左春坊左庶子尚賢升
侍講學士

丁寶楨奏三月間四川鹽源縣雨雹水發壞民屋七八百家。死者千餘人。

四月間成都地震

二十九日庚寅昧爽小雨晨霽上午時有雨傷午晴午後霽晦雷雨
涼甚晡後數晴旋霽晚霞甚麗是日小盡 宋人說詩不知言外之指

故所作詩亦無漢魏以來比興諷諭之法即如漢康之詩云之子子歸言秣其
馬鄭箋謙不敢斥其適己於是子之嫁我願秣其馬致禮儀示有意焉其義
明白曲卷蓋上云不可求思之求即關雎寤寐求之之求其求游女與求淑女
無異也至不敢求而慕之無已猶之寤寐思服也乃不敢斥其歸己而云其歸也
我願秣其馬以致禮儀此發乎情止乎禮義忠厚悅澤之至矣而歐陽文忠更
之云出游而歸願秣其馬猶古人言雖為執鞭猶欣慕焉此則韓冬郎詩之自憐
輸殿吏餘懷在香稿為香區蝶辭矣朱子呂成公皆從之不可解也

嚴華谷謂秣馬猶
將米親迎之尤無謂

印鈔吏部文選司郎中沈源深轉鴻臚寺少卿右春坊右中允鳳鳴
轉左春坊左中允編修盛昱升右中允

六月辛卯朔晴午散霽氣爽頗涼 閱學詩詳說 午後詣

敦夫齋中談 印結局送來五月公費銀十六兩 敦夫來偕詣

袁爽沐衡晚敦夫邀同爽沐飲聚寶堂招霞芬夜二鼓時余邀飲

霞芬家四更後歸 自昨夕夢星見今夕更明起西北至東北長

三丈許色白

初二日壬辰晴 閱學詩詳說擬今夏溫毛詩注疏以是日獲匿

得爽沐書以近所鈔得爽船入寇記上下篇及庚中北略偕閱即復爽

船入寇記傳是魏默深作即 聖武紀目錄所載之道光征撫義艘記

或又云張亨父作觀其文章殊皆拖不及前記之叙水簡義惟上下篇

之論皆似默深所為上篇之論頗引耆沐公羊義亦默深家法也其文過

長興原悍獠峭之勢或出或入也庚申北略不知何人所作記咸豐
庚申英夷入京師事^文始俗而簡率其事亦頗不嚴如云八月初旬開
城後米蔬皆不得入二十九日夷酋已雅里於安定門樓屬敵內向居民盡
為灰炭皆絕無其事今時在都知之最真耳

師鈔

紀

加恩溥

耀 怡親王
載敦子

賞給二等侍衛載呼等九人賞給三等侍衛及四等

侍衛均在太門上行走

初三日癸巳晴下午放霽

得緞文書印復

任林田入都送

來季弟書王氏妹書皆四月二十外所發并季弟所寄燕窩六兩
氣脯一肩鄭氏妹所寄氣脯一肩王氏所寄冰釐玫瑰糖龍眼四蓮子